

KERATAN AKHBAR

TARIKH : 18 MAC 2022
AKHBAR : BERITA HARIAN
MUKA SURAT : 42

Jenama premium FGV di MYDIN seluruh negara

Jenama premium FGV di MYDIN seluruh negara

Ladang'57, jenama premium FGV Holdings Bhd untuk produk tanaman kontannya kini boleh didapati di rangkaian cawangan MYDIN seluruh negara mulai bulan ini.

FGV dalam satu kenyataan berkata, pengguna boleh mendapatkan hasil tempatan berkualiti premium di 62 cawangan MYDIN seperti nenas MD2, pisang Cavendish, jagung manis, kelapa pandan, jus MD2 dan potongan MD2.

Produk bermusim lain turut dijual dari semasa ke semasa, termasuk mangga Chuping Harumanis yang bakal dipasarkan bermula April.

"Produk kami diperoleh terus dari ladang dengan kualiti dan rasa yang terbaik.



Ameer (kiri) dan Ketua Pertanian Bersepadu FGV, Abdul Razak Aya menandatangani produk Ladang'57 sebagai simbolik penjualan di rangkaian cawangan MYDIN seluruh negara. (Foto ihsan FGV)

"Melalui anak syarikat, FGV Integrated Farming Holdings Sdn Bhd (FGVIF), kami menjanjikan bekalan konsisten dan kualiti premium buah-buahan untuk pelanggan MYDIN," kata Ketua Pegawai Eksekutif Kumpulan FGV, Mohd Nazrul Izam Mansor.

Dihasilkan dan ditanam di Malaysia oleh FGV dan peladang kontraknya, Nazrul berkata, Ladang'57 menterjemahkan komitmen kumpulan terhadap program jaminan makanan negara dengan menyokong dan meningkatkan kemahiran petani tempatan dan hasil mereka, yang selamat dan mampan.

"Kami juga meletakkan Ladang'57 sebagai salah satu jenama makanan di bawah Kum-

pulan FGV untuk memacu FGV sebagai pengeluar makanan terkemuka di Malaysia," katanya.

Kemunculan pertama kali Ladang'57 di MYDIN bertepatan dengan pelancaran cawangan terbaru dan terbesar MYDIN di Tunjong, Kelantan baru-baru ini yang turut dihadiri oleh Pengarah Urusan MYDIN, Datuk Wira Dr Ameer Ali Mydin dan Ahli Dewan Undangan Negeri (ADUN) Pasir Tumboh, Abdul Rahman Yunus.

Ladang'57 dilancarkan di Lembah Klang pada Februari 2021.

Pelanggan boleh mendapatkan buah-buahan segar setiap hari melalui gogopasar.com, platform e-runcit FGV untuk pasaran Lembah Klang.